

سلطان عبدالعزیز

فاتراری

اثر

اورمان و معادن نظارتی انجمن و معادن ہیئت
قنیہ سی باش کاتب سابق



ہر ۳ قی محفوظدر . صاحب اثرک امضاسی ایله
مہور اولیان نسخہلر ساختہ اولوب
یایع و ناشرلری مسئولدر .

درسمادت

۱۳۲۶

﴿سلطان عبد العزيز قاتلری﴾

اسراری کیزی طوتق اللهك شانسدردر. حقیقی
میدانه چیقارمق حکومتك شانسدندر.

جنتمکان سلطان عبدالعزیز خان حضرترینك ۲۳
مایس ۱۲۹۲ (افرنجی ۴ حزیران ۱۸۷۶) تاریخنده بر
مندر اوزرنده وفات ایتمش و طمرلری کسلمش برحالدله
بولندیغندن بخله اتخار ایتمش اولمس-نده ش-به اولمدینی
واهسیچ اولمازسه اغلب احتمال بولندینی او وقت بر هیئت
مخصوصه طیه طرفندن تنظیم قلنان راپورده بیان اولنش
ایسهده مأمول اولنمیان واحتمال خارجنده کوریلن بویله بر
جناپت حقنده هرکسك تردد وسوء ظنی آرتقمده ایدی.
فی الحقیقه اسلاملرده اتخار وقوعی غیر مسبوق و ده-
طوغربسی اندر اولدیغندن افکار عامه بو ایشده دهشتلی
بر جنایتك ارتکاب ایدلش اولدینی ذهابنده ایدی، ذاتا

چشم‌کمان سلطان مراد خامس حضرت‌تارینک پک از مدت دوام ایدن زمان حکومتنده بو وقعه مؤلمه‌ک صورت جریانی بیوک برظلمت و مجهولیت ایچنده قالب حقیقتک ظاهره اخراجنه مقتضی معامله اجرا ایدلامکده ایدی. بوخصوصده شکایت آوازه‌لری جزئی دکل ایدی. سرای خدمه‌سندن اوج آیلق حریفک سلطان عبدالعزیزی قتل ایش اولملرینه مکافاه شهری ایکیشر یوز لیرای عثمانی معاش آلدق‌لری متواتراً سویلنمکده ایدی. او وقت حرم همایون قافله خانملرندن کنج برقادینک جنایت مذکوره فاعللرندن برشخصی پنجه‌دن فرار ایدرکن ک‌روب سالف‌الذکر اوج خدمه میاننده اوشخصی طایمش اولدیفنه دائر افادانده بولندی شیوع بولمشیدی، سلطان عبدالحمید خان ثانی حضرت‌تاری، جلوس همایونلرینی متعاقب تحقیقات شدیدہ اجرایی اراده بیور. مشر ایدی. تحقیقات واقعه زیرده محرراحوال ووقوعاتی مرتبه ثبوتہ ایصال ایشدر شویله که :

سلطان عبدالعزیز خان «حضرتلرینک خلع اولندی
وقت، سلطان مرادک اراده سیله مجلس و کلا فوقنده صلاحیت
غیر محدود و قوه اجرائیه بی جائز بر قومیسون تشکیل
اولمش و قومیسون اعضاسنک قسم اعظمی ده سلطان
عبدالعزیزک جبراً خلعی کیفیتده زیمدخل اولان اشخاصدن
تشکیل ایتمش که اسملری شونلردر:

صدر اعظم محمد رشدی پاشا.
شورای دولت رئیس مدحت پاشا.
حربیه ناظری حسین عونى پاشا.
روسیه یه قارشو محاربه واقعه ده اشتهار ایدن قیصرلی
احمد پاشا.

شیخ الاسلام خیرالله افندی.
داماد حضرت شهریارى محمد نوری پاشا [*].

[*] داماد محمد نوری پاشا، سلطان عبدالحمید خان حضرتلرینک
کریمه سی و سلطان عبدالحمید خان حضرتلرینک همشیره بی قاطعه
سلطان ابله ازدواج ایتمش ایدی.



داماد حضرت شهر یاری محمود پاشا [*].
جنایت مذکورہ نك اجراسی قومیسین طرفندن امر
اولئدینی و جنایتك موقع اجرایہ وضعی داماد پاشا
طرفندن در عہدہ ایدلدیکی تحقیقات واقعہ نك میدانہ
چیقاردینی احوال مؤملہ دندر.

جنایت واقعہ دہ مظلون علیہ اولدقلری بالادہ بیان
قلئان اوج خدمہ نك ایکسی پہلوان مصطفی و جزایری
مصطفی ناملریلہ، شہور و متعارف اسکی پہلوانلردن اولدقلری
کبی دیگر او چنچیسیدہ کیجہ بکچیسیدہ حاجی احمد اسمی ایلہ
معروف اولوب اشخاص مرقومہ نك حیس و توقیفلری ایلہ
استجوابلرنده جنایت مذکورہ دہ فعل و اشتراک لری نہ دائر
واقع اولان اقرار و اعترافلری هر کسک مسموعیدرہ
مارالذکر قومیسینونک تصورات و مقرراتی یالکز
سلطان عبدالعزیزک قلئہ منحصر دکل ، خاندان سلطنت

[*] داماد محمود پاشا ، کذلک سلطان عبد المجید خان
حضرتلرنک کریمہ سی جیلہ سلطانت زوجی ایدی.

عثمانیه نك بالجمله شهرزاده لرینه دخی شامل اولدینی و شهرزاده لرك بیوك و رسمی برضیافتده زهرلندیرلملری متصور بولندینی نتیجه تحقیقاتده نمایان اولمشدر .

تحقیقاته مباشرت اولندینی زمان ، ذکر اولنان قومیسونلک ایکی اعضای حسین عونى پاشایله قیصرلى احمد پاشا وفات ایتیشلرایندی . ولایتده خسته لنش اولان محمد رشدى پاشا حقنده کی تحقیقاتك اجراسی ده تأخیر اولنش ایدی . شیخ الاسلام خیرالله افندی او وقت ، حج شریفی زیارت ایچون مکّه مکرّمهده بولندیغندن کندوسنك بر محکمه خصوصیه حضورینه چیقارلسی آئییه تعلق قلنمشدی . دیگر مظلونلرك کافهسی دردست اولنمشدی . سوریه والیسی مدحت پاشا فرانسه قونسولاتوسنه التجا ایتك تشبستنده بولنش ایدی . حالبوکه مراجعت واقعیهسی رد اولنه رق تحت الحفظ درسمعاده جلب ابدلشددر . جنایت مذکوردهه مظلون علیه اولان پاشالرایله سائر بالجمله رجال معتبره جزئی بر فعل اشتراقدده بولندقلرینی بیان ایله جنایت

وقوعی کلیاً انکار ایتشدر. جریان وقعه حقننده معلومات
استحصالی جنایتک بالذات فاعلنندن و معیتدن عبارت
اولان آدملره انحصار ایتشدر .

استجوابلری اجرا قلنان اوقیل اشخاصک افاده لرینه
نظراً سلطان عبدالعزیزخان حضرتلری جبراً خلع اولندقدن
صکریه همان طوطیو سراینه ادخال اولنش، بعده اورادنده
چراغان سرایی ملحقانندن بر دائرة مخصوصه یه سوق او عزام
ایدنش . اعضای خانداننک و حرم لرینک بر قسمی
کندوسی ایله برلکده اوراپه کوتورلمش . دائرة مخصوصه
قره قول ایله محافظه آلتنه آله رقی ۲۲ مایس ۱۲۹۲
(افرنجی ۲ حزیران ۱۸۷۶) تاریخنده، اقشام قرا کلغنده
داماد محمود ونوری پاشارک امرلریله حرکت و معامله ایدن
وسنطان مرادک ماینجیسی بولنان فخری بک واسیطه سیله
درت نفر حرم اغالری رفاقتنده ، بالاده اسملری ذکر
اولنان اوج خدمه دخی دائرة مخصوصه یه کوتورلمش
بو آدملر کیجه پی قره قولده کجورمشلر .

داماد پاشا ار ایسه ماینجی فخری بك ایله اوزون
 اوزادی مذاکره ایله مشغول اولمشلر، ایرتسی کونی فخری بك
 سالف الذکر قاتلر ایله برلکده دائره مخصوصه ایچروسته
 داخل اولمش، جنایت فاعلرینک باشلیجه سی اولان
 مصطفی پهلوان، جریان احوالی بروجہ آتی تعریف
 تصویر ایدرک دیشکه : «فخری بك ایله ارقداشم بن؛
 جمله دوت کشی اولدیمز حالدہ، سلطان عبدالعزیزک
 اوزرینه آتدق. پادشاه هر نه قدر مدافعه ومقاومت
 ایتش ایسه ده کندوسنی مندر اوزرینه یاتوردق.
 ماینجی فخری بك، پادشاهک اوموزلرندن طوته رق،
 حرکتنی منع ایتمکده ایدی جزایری مصطفی ایله حاجی
 احمد دخی پادشاهک برر باجغنی طوتمقده ایدیلر. بن ایسه
 حامل اولدیمز برچاقی ایله پادشاهک ایکی قولنده کی طمرلری
 کسدم. او طه قیوسنک دیشاریسنده علی بك ونجیب بك
 ناملری ایله ایکی ضابط بکله مکده ایدی. شوایشک ختامنده
 جنازه نی همان اورته کوی قره غولنه نقل ایتدیک، اشته

مصطفی پهلوانك افاده سی بوندن عبارتدر .

وقعه مؤلمه مذکوره دن بش سنه صکره یعنی ۱۵ حزیران ۱۲۹۷ (افرنجی ۱۷ حزیران ۱۸۸۱) تاریخنده در سعادتیه محکمه استیناف رئیس اولی علمادن سروری افندینک تحت ریاستنده اوج اسلام ایله ایکی خرسیتانندن متشکل برهئیت حاکمه حضورنده جنایت مذکوره نك تدقیقات و محاکماتنه میاشرت اولمشدر . هئیت مذکوره، شو جنایت تفصیلاتی میداننه چیقارمیوب و حقیقتک تنویر و ایضاحنه مدار اوله حق موادک تدقیقات و تحقیقاتنه کیریشمیهرک انجق امور عدلیه ده تجربه سزلیکی کوسترمشدر . بوجله دن اوله رقی سلطان عبدالعزیزک نعلشی ییقامغه مأمور غسلك افادات ومشهداتنه نظراً بيلك اوزرنده موجود اولان یاره لردن ماعدا جسدك صول مهمسی التنده بیچاق ضربه سی اثری بولندینی تعین ایتمشدی . دلائل مقیمه میاننده بیاض اپك دن معمول برخرقه وارایدی که یوم جنایتده پادشاهك صپرتنده اولدینی محققدر . بو خرقة نك صول مهمه اوزرنه

كان جهتی یوقارودن اشاعی ییچاق ایله دلیتمش اولدینی ثابتدر
جسد اوزرنده کی یاره نك دخی غسال طرفندن کشف
اولنش اولدینی مصدقدره. حالبو که مصطفی پهلوانك
افاده سی ایله قابل تطبیق اوله میان شو مهم اماره لر حقنده
هیئتجه تدقیقات اجرا قلنما مشدر. سرای همایون حرم
اغلرندن بری مصطفی پهلوانك افاده سی تاییداً جنایت
واقعه یی، صالونك نیم آچیق حالده بولندیریلان قپوسندن
مشاهده ایتمش اولدینی سویله مشدر. جنایتك باشلیجه
فاعلی مصطفی پهلوان طرفندن، اوطه قپوسنك دیشاروسنده
ایکی ضابطك بکله مکده اولدینی بیان قلنمش ایدی. حال
بوکه بربرینه مبین اولان افادات واقعه حقنده هیئت حاکمه
طرفندن هیچ بر سؤال و مطالعه وارد اولما مشدر.

كذلك شاهدلرك هیچ برندن، بو ایش حقنده بش
سنه سكوت ایدلمسك سببی استفسار واستیضاح ایدلما مشدر.
حین تحقیقاتدا كاملاً اقرار جرم ایتمش اولان جزائری
مصطفی حضور محکمه ده افاده سابقه سی خلافتده اوله رقی

سلطان عبدالعزیزك محافظه سی ایچون نوری طرفندن
 مأمور تعیین اولدیفنی سویله مشدره سائر مظنون و متهملر
 افاده اولیلری انکار یولنی طوتان وضعیتلرنده نبات
 ایتشلردره مابینجی فخری بك ایله معهود اوطه قیوسنك
 دیشار و سنده بکله مکده اولدقلى ادا اولنان ایکی ضابطك
 افاده لری، جنایت مذکوریه شدتله رد وانکار ایتمکدن
 عبارت قالمشدره نوری و محمود پاشالر، یوم مذکورده
 نه اورته کوی سراینده ونه ده اکا ملحق دائرة مخصوصه ده
 بولنادقلى بیان ایتشلردره محمود پاشا دخی دیگرلری
 طرفندن اعتراف ایدیلن اجرا قومیسئونك وجودینی انکار
 ایدوب آنجق قومیسئونك تشکلی سرای حسابلرینك
 تصفیه سنه منحصر اولدیفنی بیان ایله عبدالعزیزك قتلی
 حقنده هیچ بر قرار ویرلمدیکنی مصرأ افاده ودرمیان
 ایتشدره مدحت پاشا دخی کذلک صوک درجه اعتدال
 دم و مهارت ایله مدافعه ایللمشدره
 محاکمات مذکورده دن ایکی کون صکره، محکمه ریئیس، محاکمه نك

ختم بولدیغنی بیان ایلدی. محکمه نك حکم وقراری برتسی کون
اعلان اولندی. باشلیجه متهملرک طقوزی اعدام جزاسنه
محکوم اولمشدر. دیگر ایکی متهم ایله سلطان مرادک ایکنجی
مایدنچیمی واورته کوی قره غولنک اداره سنه مأمور اولان
میر آلائی عزت بک، جنایت مذکورده ذیمدخل اولق
صفق ایله اون سنه مدتله کورک جزاسنه محکوم اولمشدر.
متهملردن هیچ بری اعدام اولنماشدر. اعظم رجاله کلنجه
مدحت ونوری و محمود پاشا لک جزا لری حجاز ولایتی داخلمده
(طائف) ده نفی مؤبد جزاسنه تحویل اولنق صورتیه
تعديل و تخفیف اولنمشدر. بر آزوقت صکره، شیخ الاسلام
خیر الله افندی دخی محکوم اوله رق بروجه بالا اعظم رجال
محکومیه التحاق ایتمشدر. محکومین مذکورده بادی امرده
لایق و مناسی وجهله معامله کوردکلری حالده، مداوات
طبییه دن بتون بتونه محروم اولدقلری کی انلرک تعیینات
ومعیاتی دخی عادی نفرک تعیینات و ما کولاتی درجه سنه
تنزیل قلمنمشدر. نوری پاشا تبجن ایتمشدر. مدحت پاشا ایله

شیخ الاسلام خیر اللہ افندی ۱۳۰۰ (۱۸۸۴) سنہ مندر
وفات ایشلدر .

ممالک عثمانیہ نک تقریباً اوتوزدورت سنہ دبرو دوجار
اولدینی فلاکتلرک اس اساسی وقعہ مؤلہ مبحوثہ نک
شامتنہ محمولدر .

جناب حق، ممالک عثمانیہ بی واسلام خرستیان بالجلہ
عناصر ملیہ عثمانیہ بی احوال ووسائل مشومہ در مصون
بیورسون آمین .

اورمان و معادن نظارتی انجمن و معادن
ہیئت فنیہ بی باش کاتب سابق

YaziveKitap.blogspot.com